



Departementet for Fiskeri, Fangst og Landbrug

**2015-mi 2016-milu Kommuneqarfik Sermersuumi ukiukkut tuttunniarnissaq umimmanniarnissarluk pillugit tusarniaanermut akissut.**

Kommuneqarfik Sermersooq qujavoq 2015-mi 2016-milu Kommuneqarfik Sermersuumi tuttunniarnissaq umimmanniarnissarluk pillugit tusarniaanermut akissuteqarsinnaatitaagami.

Kommunip tapersorsorpaa atortussat Namminersorlutik Oqartussat tusarniaanermut nittarsaassivianut ilineqarsimammata tusarniaavigineqartulli allattorsimaffiat amigaataavoq. Tusarniaanermi siunertaasariaqarpoq sapinngisamik amerlanerpaat peqataasarnissaat aammalu susassaqtartut amerlanerpaat peqataasartuuppata. Kattuffiit soorlu GE, SIK, ICC, KNAPK, TPAK, Timmiaq aamma Avataq aamma tusarniaavigisariaqaralarput.

Kommunip tapersorsorpaa inuussutissarsiutigalugu piniartut pinialuttartullu ulloq 1. aggustimi piniaarsinnaalernissaat aalajangiusimaneqassasoq, ulloq taanna ilisimaneqarmat ataqqineqarlunilu.

Kommunip tapersorsunngilaa, kommunip iluani nunap immikkoortuini 4-mi, 5-mi, 6-mi aamma 7-mi ukiukkut tuttunniartoqartalernissaa. Kommunip tassunga atatillugu innersuussutigissavaa ilisimatut innersuussutiginiikumassuk taamaallaat ukiukkut tuttunniartoqartassasoq, nunap immikkoortuani tuttuk amerlalluinnarpata.

Kommunip paasisinnaanngilaa 2015-mi ukiukkut tuttunniartoqarnissaa akuerineqarsimammatt kommunip innersuussutaa uniorlugu taamatullu aamma Pinngortitaleriffiup innersuussutaa uniorlugu. Ukiukkut tuttunniarnermi piffissami qajannartumi akornngusersuinerit pisarput aamma killeqanngitsumik ukiukkut aavarfinni nakkutilliiniarneq ajornartorsiutitaqartarpoq kiisalu aamma piniarnermut piumasagaatit malitsinniarneri.

Kommuneqarfik Sermersuup paasivaa Ittoqqortoormiini piffissami 10. novembarimiit 10. decembarimut immikkut pisassiisoqarneratigut umimmanniartoqarsimasoq. Piffissami tassani piniarnermi pisarineqartut ukiumut pisassiissutinut ilaapput. Kommunip innersuussutigissavaa aningaasarsiorneq eqqarsaatigalugu aamma Ittoqqortoormiini juullimut neqissaqarnissaq eqqarsaatigalugu, piffissaq taanna piniarfiusoq piniarfiusinnaasutut ilanngunneqassasoq.

Akuersissut imatut tunniukkusunneqarpoq, taakku 115-t ukiakkut pisassiissutigineqartartut aamma piffissami 10. novembarimiit 10. decembarimut piniarneqarsinnaasut kiisalu sinneruttut 60-t ukiukkut piniarnermi ulloq 01. marsimiit 31- marsimut piniarneqartassasut. Akuersissutit ator-neqanngitsoortut piffissani piniarfiusunit siullernit marlunneersut ukiukkut piniarnermut nuuneqarsinnaallutik.

Kommuneqarfik Sermersuup Ittoqqortoormiini tunitsiviup iluarsaannera inaarsarpaa. Tunitsivik ingerlallissappat, kommunip innersuussutigissavaa, umimmattat ilaasa tunitsivimmut tunineqartarnissaat piumasagaataassasoq. Tamanna aatsaat pininnaassaaq 2016-mi ukiukkut piniarneq aallartippat.

Kommunip iluarisorujussuvaa ingerlatsivimmi Ivittuuni umimmaat pisassiissutigineqartut 300-nut qaffanneqarmata. Namminersorlutillu Oqartussat aqutsisoqarfimmi Ivittuuni umimmaat tuttullu

kisinneqartarnissaannut aningaasaliisarnini ingerlatiinnartariaqarpaa sukkasuumik qisuari-  
artoqarsinnaaqullugu, umimmaqassuseq nikeriataassagaluarpat nunami tamaani annertoor-  
suunngitsumi.

Kommunip paasivaa amerlasuutigut inuussutissarsiutigalugu piniartut pisassiissutigineqartut  
tamakkersinnaasimangikkaat. Taamaasilluni pisassiissutigineqartunit 60-iusunit taamaallaat 26-t  
pisarineqarsimapput piffissami marsip ulluisa aallaqqaataaniit marsip 31-ata tungaanut 2015-mi.  
Aamma 2014-mi pisassiissutigineqartut tamakkerneqanngitsoorput. Taamaattumik  
eqqarsaatigisariaqarpoq pisassiissutit ilaat sunngiffimmi pinialuttartunut nuunneqassanersut.  
Tamanna pillugu kommune oqaloqataarusuppoq.

Kommunip naatsorsuutigaa, ukiukkut piniarnermi pisarineqanngitsoortut allaffissornikkut kommu-  
nimi ukiukkut piniarnermut nuunneqarumaartut.

Politikkikkut suliarineqareerpat allanngortoqarsinnaanera naatsorsuutigeqquneqarpoq.

*Inuulluaqqasillunga // Med venlig hilsen //Best Regards*

Inussiarnersumik Inuulluqqusilluta/

Med venlig hilsen

Malene Lyngø

Isumaginninnermut, Suliffeqarnermut,  
Inuussutissarsiornermullu Ataatsimiititami  
Siulittaasoq.

Grethe H. Nielsen

Isumaginninnermut, Suliffeqarnermut  
Inuussutissarsiornermullu Ingerlatsivimmi  
Pisortaq